

Wárágã Páwũlõ 'bã silé 'bá
Gālātíyã
gá rĩ 'banî rĩ

Zítáná angálépi Páwũlõ drĩ rĩ

¹ Wárágã 'dĩ angá mádrĩ ma Páwũlõ ùpígóná Ādróná āma Átépi rú Yésũ Kúrísītõ ingalépi drã agá rĩ drĩ. Ādróná pẽ kí ma adrujõ ì'bã ùpígóná ru Yésũ benĩ. Pẽná āma pějõ ùpígóná ru rĩ angá 'bá drĩ jõku ùkpõ 'bádrĩ sĩ ku. ² Má ádrípika āzila má ámvópika ā'ítáná agá má rú 'dõ zĩ kí ìmi 'bá kãníšã āngũ Gālātíyã gá 'dĩ kí pírí cící.

³ Lětáná uyanã kóru āzila ásĩ ìgbẽ Ādróná āmã Átépi āzila Úpí āma āni Yésũ Kúrísītõ drĩ rĩ 'bã adru ìmi abe. ⁴ Kúrísītõ are āma Átépi Ādróná tĩ, fẽ ru idétáná ru ìjõ ùnzĩ āmadrĩ kí sĩ, sĩ āma pajõ ùnókú ùnzikãñã 'dĩ agá. ìjõ 'dĩ idé ru ìni la lětáná Ādróná āmã Átépi drĩ rĩ sĩ. ⁵ Ìcú Ādróná rú jã 'dã. Ámĩnã.

Ìjõ mgbã rĩ 'bãngá lú àlu

⁶ Āma drĩ iza ru ìjõ ìmidrĩ sĩ rá. Ìmi mgbã rĩ gá ìngoní-ìngoní ru? Ìmi Ādróná ìmi ùpělépi ásĩ ìgbẽ 'dĩdrĩ Yésũ Kúrísītõ sĩ rĩ a'be gbõrú ã'du sĩ? Āma ajĩ ìminí ìjõ mgbã Yésũ drĩ gá rĩ 'l, wó ìmi uja dó vã ìjõ ndú la ã'ílé áyu. ⁷ 'Bá ãzĩ kí ìmi drĩ andĩ ìjõ ìnzõ rú la sĩ, lě kí ìjõ mgbã Kúrísītõ drĩ 'dĩ ujalé ndú. ⁸ 'Bá 'dĩ 'bã āni rĩ drĩ kí adru āma ùpígóná ru 'dĩ kí āzĩ, jõku mālāyíkã angálépi 'bũ gálé la abe, drĩ kí ìminí ìjõ mgbã ndú 'dĩ 'bã āni rĩ kí ùlũ nĩ, ma Ādróná zĩ drĩrĩma fějõ 'baní ìjõ ì'bã kí imbálé ìnzõ rú ndú 'dĩ sĩ. ⁹ Ajõ ándrá ìminí ìjõ 'dĩ drĩdrĩ rá, ma vã jõ

la ĩminí ĩdĩ. Ma Ādróná zĩ 'bá 'dĩ 'bā áni rĩ wájó ĩ'diní ĩjọ ndú la ũlũjọ ĩjọ mgbā ĩminí ā'ĩlẹ rĩ 'bā kẹjĩ gá rĩ sĩ.

¹⁰ ĩjọ mání jọlé 'dĩ sĩ adru álẹ āyĩkō fẹlẹ 'bá 'banĩ la ku. Álẹ rá la āyĩkō fẹlẹ Ādróná ní ĩjọ mání jọlé rĩ kí sĩ. Ádrĩ tá ũ'bĩ lẹlẹ āyĩkō fẹlẹ 'bá 'banĩ la, má icó tá adrulẹ átí'bo Kúrísitō āni la ku.

Ūkpō Páwũlõ drĩ angá Ādróná drĩ

¹¹ Má ádrípika āzila má ámvọpika, álẹ ĩminí lùlẹ la ĩjọ mgbā mání ũlùlẹ Yẹsũ drĩ gá 'dĩ angá 'bá drĩ ku. ¹² Má ịsụ ĩjọ 'dĩ 'i 'bá āzĩ drĩ jọku ímbá vā sĩ má ímbá-imbā la ku, ĩjọ 'dĩ Yẹsũ Kúrísitō i'da ĩ'di mání nĩ.

¹³ 'Bá lū kí ĩminí ma ándrá jō u'á lā'bĩ 'bá Yāhúdĩ rú rĩ 'badrĩ sĩ íngoní yā rĩ gá nĩ. Jọ kí vā ĩminí ma ándrá jō kánísā ícāndĩ ũkpō mádrĩ sĩ rĩ rá, āzila má ũ'bĩ vā 'bá ā'ítáná agá Ādróná drĩ 'dĩ kí andilẹ sĩ kí írẹjọ kpékpe.

¹⁴ Ári ándrá lā'bĩ āmadrĩ Yāhúdĩ 'bā rĩ vú ũbílẹ ásí pírí sĩ. Ūnítáná mádrĩ drĩ la gá rĩ kí ĩjọ ala gá rĩ ngraná abe, 'bá āzĩ má bẹrẹ ru calẹpi má rú la yu. ¹⁵ Wó útĩ drĩ ma ku rú, Ādróná pẹ ma ndú lètáná uyanâ kóru ĩ'di drĩ rĩ sĩ, umve dó sĩ ma āzĩ ĩ'didrĩ ngajó. ¹⁶ Ādróná u'á āyĩkō sĩ Ngọpĩ i'dajó mání, ĩjọ 'dĩ sĩ ma dó sĩ ĩjọ mgbā ĩ'didrĩ rĩ ũlũ 'bá Yāhúdĩ rú ku rĩ 'banĩ, ámu 'bá āzĩ rú sĩ ĩjọ 'dĩ ũnĩjọ ku. ¹⁷ Ámu vā Yẹrúsālẹmũ gálẹ sĩ ímbátáná ịsújọ ũpígọna áma drĩlẹ gá 'dĩ 'badrĩ ku. Kẹjĩ la gá ámu cọtĩ āngũ Árábíyā drĩ gá, 'dā 'bā ũngúkú gá ágō Dāmāsĩkiyā gá.

¹⁸ Ílĩ na Yẹsũ 'bā ru i'dajó mání 'bo rĩ 'bā vúlẹ gá, ámu Yẹrúsālẹmũ gá áma ũnĩlẹ Pétērō be, má u'á dó ĩ'di rú 'dāá ú'dú mụdrĩ drĩ tówú. ¹⁹ Mání u'á agá ĩ'di rú 'dāá, ũpígóná mání ndrelẹ rá rĩ ĩ'di lú Yākó'bō Úpí Yẹsũ 'bā ádrípĩ 'i. ²⁰ Ādróná nĩ cé ĩjọ mání silẹ ĩminí 'dĩ ĩ'di ĩjọ

mgbā la. ²¹ 'Dā 'bā ũngúkú gá, ámu dó āngū Sírĩyā āzila Sílísíyā 'badrî kí agá. ²² Ịtú 'dā sī 'bá Kúrísítíyání rú Yũdíyā gá Kúrísitō agá 'dāá rī nī kí drī ma lólọ ku. ²³ Are kí Ịjọ áma drī gá, “'Bá jō 'bá Yésũ ā'ílépi rá rī kí ịcāndilépi rī dó vā ú'dí'da Ịjọ mgbā ā'ítáná drī ándrá í'di 'bā lèlè andilé rá rī ũlū.” ²⁴ Ịjọ 'dī sī, fē kí āwā'difō āzila ịcú kí Ādróná 'i Ịjọ ru idélépi áma ụrụ'bá gá 'dī sī.

2

Ụpígóná Yẹrúsālémũ gá rī ā'ị kí Páwũlọ rá

¹ Ílí mụdrí drī sụ 'bā vúlé gá āmu Yẹrúsālémũ gálé ịdị Bārānābā be, ā'dụ Títō 'i áma abe ịndī. ² Ámu Yẹrúsālémũ gálé ā'dusíku Ādróná 'i'da mání Ịjọ mání mụlé idélé rī nī. Mání adru gá 'dāá má icé Ịjọ mgbā mání ũlúlé 'bá Yāhúdī rú ku rī 'baní rī āmbogo kānísā 'bā drīlẹ ru Yẹrúsālémũ gá rī 'baní búlú gá á'dūsī. Álẹ 'bā nī kí Ịjọ mání ũlúlé rī awa ru í'badrî abe ku āzị mání ngalé rī la mu adrulé ífí kóru ku. ³ Títō āmaní mụjọ í'di trū rī 'bá āmbogo drīlẹ ru Yẹrúsālémũ gá rī ā'ị kí í'di 'bá ā'ítáná agá rī rú rá, ũnmī kí í'di ru ịtārálé ku, tání í'di 'bā adrujọ 'bá Yāhúdī rú ku la tí. ⁴ Ịjọ 'dī idé ru ịni la ā'dusíku 'bá āzị afí kí 'bá Kúrísitō ā'ílépi rá rī kí agá 'dī, āzila 'bā kí ru kí 'bá ā'ítáná agá rī kī rú. Wó Ịjọ mgbā sī lẹ kí drīlẹmgbo āma trū adrujọ Kúrísitō Yésũ agá 'dī andilé rá sī āma ujajọ átí'bó ru āzítáná 'bá Yāhúdī rú rī 'badrî kí pálé gá. ⁵ Wó āma ā'ị 'bá 'dī kí 'bá Ịjọ āluná la ku, ā'dusíku ālẹ Ịjọ mgbā rī 'bā tu pá ịmi agá nī.

⁶ 'Bá kānísā 'bā drīlẹ ru 'dāá 'dī ũ'bá kí Ịjọ āzị ndú la Ịjọ mání ũlúlé rī 'bā drī gá ku. Gērī 'baní kí ịnzjọ āmbōgō í'badrî sī rī uja mání Ịjọ āzị āluná la ku, ā'dusíku Ādróná uya 'bá āmbōgō sī ku. ⁷ 'Bá 'dī ndre kí Ādróná fē āzị Ịjọ

mgbā ũlŭjọ 'bá Yāhúđĩ rú ku rĩ 'banî rĩ mádrí rĩ gá rá, cécé 'ĩ'di 'bā Pétĕrō fĕjọ íjọ ũlŭjọ 'bá Yāhúđĩ rú rĩ 'banî rĩ áni. ⁸ Ādróná Pétĕrō ayúlépi ũpígỌ́ná ru 'bā ũlŭ íjọ 'bá Yāhúđĩ rú rĩ 'banî rĩ ayú vâ ma ũpígỌ́ná ru íjọ ũlŭlé 'bá Yāhúđĩ rú ku rĩ 'banî nĩ.

⁹ 'Bá kǎńsǎ 'bā drĭlẹ ru Yākó'bō 'i, Pétĕrō 'i āzila Yōhánā 'i kǎńsǎ 'bā ĩđiŋa ru rulé rŭrŭ 'dĩ kí mụ nĭlẹ la Ādróná fĕ mání lĕtáná uyaŋâ kóru āzĩ 'dĩ ngájọ nĩ, āzĩ dó āma ĩ'ba abe drĭ sĭ Bārānábā trŭ icéjọ la āma ĩ'ba abe píri āzĩ ālu rĩ nga. Imbá kí dó āma ásí íjọ ũlŭlé 'bá Yāhúđĩ rú ku rĩ 'banî āzila ace kí dó ru íjọ ũlŭlé 'bá Yāhúđĩ rú rĩ 'banî. ¹⁰ Āzĩ ĩ'bā kí a'belé āmaní rĩ a'í kí āma 'bá lĕmĕrí Yāhúđĩ rú Yĕrŭsálẹmŭ gá rĩ kí íjọ ũrájọ sĭ kí āzā kojọ ĩndĩ. Ma mụ íjọ 'dĩ arelé 'bo, āyíkō fŭ ma ā'dusĭku 'dĩ bāsĩ íjọ āzĩ jō mání lĕlẹ ngalé rá la.

Páwŭlŭ 'bā Pétĕrō itújọ ĀńtíyỌ́kĩ gá rĩ

¹¹ Ũ'dú āzĩ ālu Pétĕrō la mụ amúlẹ ĀńtíyỌ́kĩ gá 'dólẹ 'bo, ájọ íjọ drĭ la gá tondọlọ ũ'bí kí drĭ gâ sĭ íjọ ĩ'di 'bā idélé rĩ ũnzĩ. ¹² Īndre drĭ, 'bá āzĩ Yāhúđĩ rú la 'bā kí drĭ angájọ Yākó'bō rŭlẹ ku rĩ sĭ, Pétĕrō ri u'álẹ āzila íná nalẹ 'bá ā'ĩtáná agá 'bá Yāhúđĩ rú ku rĩ kí abe ālu. Wó 'bá 'dĩ kí mụ acalẹ 'bo, a'be u'áná āzila íná naŋá 'bá ā'ĩtáná agá 'bá Yāhúđĩ rú ku rĩ abe rĩ rá, ā'dusĭku idé ũrĭ sĭ 'bá ĩtārāŋá lĕlẹpi 'dĩ kí íjọ sĭ. ¹³ 'Bá ā'ĩtáná agá 'bá Yāhúđĩ rú ĀńtíyỌ́kĩ gá 'dǎá rĩ 'de kí Pétĕrō vú gâ sĭ, sĭ u'áná āzila íná naŋá 'bá ā'ĩtáná agá Yāhúđĩ rú ku rĩ abe rĩ a'bejọ cǎ rĩ gá ĩndĩ ũrĭ sĭ. Bārānábā idé vâ 'dĩ 'bā áni ĩndĩ.

¹⁴ Wó ma mụ ndrelẹ la 'bá 'dĩ idé kí íjọ mgbā Yĕsŭ Kúrísitō drĭ gá rĩ kí ku, ájọ íjọ Pétĕrō drĭ gá tondọlọ ũ'bí kí drĭ gâ sĭ, “Míní tání adru agá Yāhúđĩ rú, mi dó ú'dĩ'da u'á 'bá Yāhúđĩ rú ku rĩ kí áni. Mí dó 'bá Yāhúđĩ rú ku rĩ

kí ũnmĩ äzítáná 'bá Yāhúdĩ rú rĩ 'badrĩ kí vú ũbilé u'ájó Yāhúdĩ kí áni íngoní ru? ¹⁵ Íjò 'dĩ ändá útì äma mí be Yāhúdĩ rú, ímbá vâ äma äzítáná Yāhúdĩ drì kí vú ũbìjò adru 'bá äzítáná lê kí n̄lèpi ku äma kí umvelé 'bá Yāhúdĩ rú ku 'bá ũnzí 'dĩ kí áni ku. ¹⁶ Wó äñĩ rá Ādróná la äma lâ 'bá älá ru la adru äzítáná idéjò rĩ sī ku, wó ämaní Yēsũ Kúrísītō ä'ìjò 'Bá äma Palépi rĩ rú rĩ sī. Íjò 'dĩ bāsī fēlèpi la äma 'bá Yāhúdĩ rú 'dĩ kí sī i'di ä'ìjò 'dĩ, Ādróná la dó sī äma 'bā älá ru ä'ìtáná Yēsũ ä'ìjò rĩ sī, adru äzítáná Yāhúdĩ 'bā rĩ kí vú ũbìjò rĩ sī ku. Íjò mgbā sī, Ādróná icó 'bá äzì lälé älá ru äzítáná Yāhúdĩ 'bā rĩ kí tāmbaná sī ku.

¹⁷ “Ādróná 'bā äma älá ru la ämaní ásì 'bājó Kúrísītō drì gá rĩ sī, 'bá äzì Yāhúdĩ rú rĩ 'bā kí äma 'bá ũnzí ru ämaní äzítáná 'bá Yāhúdĩ rú rĩ 'badrĩ 'bājó búlú gá rĩ sī. Íjò 'dĩ sī, Kúrísītō fē äma adrulé íjò ũnzí trũ nĩ yā? Adru 'dĩ 'bā áni ku! ¹⁸ Ādrì gō vúlé mùlé íjò ándrá äzítáná Yāhúdĩ äni mání a'belé rá rĩ kí i'dó ngalé ú'dí ru, ma dó ũnzikānā idé ìdí. ¹⁹ Mání amájó la má icó mūkē Ādróná drì ìsùlé mání äzítáná kí vú ũbìjò rĩ sī ku rĩ sī, äzítáná 'bā ũkpō dó äma drì gá yū. Kúrísītō dó mù äma trülé rá, ma dó u'á ídri rú Ādróná nĩ. ²⁰ Ídri mádrì ándrá drìdrì rĩ ìpa i'di müsälá'bā sí gá Kúrísītō be. Má u'á dó sī ándrá uru' 'bá drì áni ku, wó Kúrísītō la u'á äma agá nĩ. Ídri mání u'ájó rĩ dó ä'ìtáná sī Ādróná Ngópì agá, i'diní ándrá äma lējó äzìla sī ru ídri fējó mání rĩ sī. ²¹ Má uja äma ũngúkú Ādróná lētáná uyanā kóru rĩ drì rĩ sī ku, ä'dusìku Ādróná la äma lâ 'bá älá ru la lētáná uyanā kóru i'di drì rĩ sī, adru äzítáná 'bá Yāhúdĩ rú rĩ 'badrĩ kí vú ũbìjò rĩ sī la ku. Údrì tá 'bá lâ äzítáná vú ũbìjò rĩ sī la, drāná Kúrísītō drì gá rĩ la tá adru ífí kóru.”

3

Ála 'bá lã 'bá mgbã rú ã'ítáná sî

¹ Īmi 'bá Gālātíyā gá azalépi azâ 'dî! Má i'da ándrá ĩminí ĩjô Yésũ Kúrísitô 'bã drãjô mūsálá'bã sí gá rî mgbô rú ũ'bí kí agá pîrî-pîrî rá. Ā'di iza ĩmi drî cécé úndrî 'bã rî ĩmi ndrî-ndrî rî áni nî? ² Ālě ĩjô ālu 'dî nîlé angájô ĩmidrî. Īmi ĩsú ándrá Úrindí Ālá Ādróná drî gá rî ĩminí āzítáná kí vú ũbîjô rî sî yā jôku ĩminí ĩjô Yésũ drî gá rî ā'ĳjô āzîla arejô rî sî? ³ Īmi aza-azâ yā? Īmi i'dó ándrá ĩjô Úrindí Ālá rî drî kí vú ũbîlé rá, wó ĩlě dó delé la ũkpô ũru 'bá drî sî 'bá 'bá yā? ⁴ Īminí Yésũ ā'ĳjô 'bo rî 'bã vúlé gá, ĩmi ĩsú cãndí ambamba. Īmi dó ĩmi ĩcãndí úyé yā? ⁵ Ādróná 'bã ándrá Úrindí Ālá rî fějô āzîla tálí kí idéjô ĩmi drîdrîrî gá rî sî, idé ándrá kí ĩminí āzítáná 'bá Yāhúdî rú rî 'badrî kí vú ũbîjô rî sî yā? Yū! Idé ĩjô 'dî ĩni la ĩminí ĩjô mgbã Yésũ drî gá rî ā'ĳjô rî sî. ⁶ Cécé ĩjô sílé rî 'bã jolé rî áni, “Īburahímũ ā'ĳ Ādróná 'i rá, lã dó sî ĩ'di 'bá mgbã rú.” †

⁷ ĩjô 'dî sî, lě ĩnî rá 'bá ásî 'bãlépi Īburahímũ áni Ādróná drî gá rî, kí acá ā'ítáná sî Īburahímũ 'bã anzî rú. ⁸ ĩjô sílé búkũ Ādróná drî agá idu rî jô, Ādróná la 'bá āngũ drî gá 'bá Yāhúdî rú ku 'dî kí lã 'bá alá ru la ā'ítáná sî. ĩjô 'dî nî ru ũ'dú ándrá Ādróná 'bã ĩjô mgbã rî kí lūjô Īburahímũ nî rî sî: “Ma rú sũsú wi 'bá pírî ũnôkú drî gá 'dî 'baní mí rû sî.” † ⁹ ĩjô 'dî sî, 'bá pírî ásî 'bãlépi Kúrísitô drî gá rî 'baní Ādróná la sũsú wi cécé ĩ'di 'bã ándrá wilé Īburahímũ ní ā'ítáná ĩ'didrî sî rî áni.

¹⁰ 'Bá ásî 'bãlépi Ādróná la kí lã 'bá múké ru āzítáná 'bá Yāhúdî rú rî 'badrî kí vú ũbîjô sî rî, úwã ĩ'di rá. ĩjô sílé búkũ Ādróná drî agá rî jô, “'Bá āzítáná 'dî kí vú ũbîlépi

† 3:6 Í'dóná 15:6 † 3:8 Í'dóná 12:3; 18:18; 22:18

āzila íjō ala gá rī kí idélépi pírí ku rī, úwā í'di rá.” †
 11 Āndá-āndá ru, Ādróná ā'ī 'bá āzi āluṅá la 'bālē 'bá ālá
 ru í'di drīlē gá í'diní āzítáná vú ūbījō rī sī ku, ájō íjō 'dī
 íni la ā'dusīku íjō sīlé bŭkŭ Ādróná drī agá rī jō, “Bá ālá
 rī la u'á ídri rú ā'ītáná sī.” † 12 Wó 'bá u'álépi āzítáná 'bá
 Yāhúdī rú rī 'badrī kí sī rī ā'ītáná í'diní āzi kóru, 'bā ásí
 āzā koma Ādróná drī rī drī gá ku. Kējī la gá í'di ásí 'bā
 íjō pírí āzítáná 'bā lēlé rī ngalé. Íjō sīlé rī 'bā jōlé rī áni,
 “Ídrī lē adrulé ídri míní āzítáná kí vú ūbījō rī sī, lē mí ūbī
 íjō ala gá rī kí vú idélé pírí.” †

13 Kúrísītō unze āma áwātáná āzítáná drī pálé gá í'diní
 ā'íjō áwātáná āmadrī 'dujō í'di 'bā uru 'bá gá sī drājō āma
 kējī gá rī sī, ā'dusīku íjō sīlé bŭkŭ Ādróná drī agá rī jō,
 “Bá ipalé drālēpi mŭsālá 'bā ife sī gá rī í'di 'bá wālé rá la.”
 † 14 Unzená Kúrísītō Yēsŭ 'bā āma unzejō rī sī, Ādróná wi
 sŭsŭ 'bá pírí 'bá Yāhúdī rú ku ūnōkŭ drī gá rī 'baní cécé
 ándrá í'di 'bā azilé İbŭrahímŭ nī rī áni. Āma 'bá Yēsŭ
 ā'īlépi rá 'dī āma işŭ Úrindí Ālá Ādróná drī í'di 'bā azilé
 rī ā'ītáná sī.

Āzítáná kí íjō azilé rī be

15 Má ádrípika āzila má ámvōpika, álē drī íminí ícétáná
 íjō āma kí idélé ú'dú pírí la i'dalé 'dī. 'Bá drī íjō āsījō rī azi
 'bo, 'bá āzi uja íjō í'di 'bā azilé 'bo 'dā ídī ku. 16 Ādróná azi
 íjō í'didrī kí İbŭrahímŭ ní drīlē í'didrī be. Íjō Ādróná
 drī sīlé bŭkŭ agá rī adru jō “drīlē İbŭrahímŭ drī kí,” †
 ífí la 'bá ū'bí kí la ku, wó rá la jō, “drīlē İbŭrahímŭ drī
 nī,” ífí la lú 'bá ālu, drīlē 'dī bāsī Kúrísītō 'i. 17 Íjō mání
 jōlé rī 'bā ífí, āzítáná ícō azíná Ādróná drī gá í'di 'bā azilé

† 3:10 Āzítáná Amvíná 27:26 † 3:11 Hābākŭkŭ 2:4 † 3:12
 Lévnī 18:5 † 3:13 Āzítáná Amvíná 21:23 † 3:16 Í'dóná 12:7;
 Í'dóná 13:15; Í'dóná 24:7

Ìbùrahímũ ní ílì 430 'dī sī fē drī āzítáná Mùsā drī ku rī ujalé ku. ¹⁸ Ādróná la sũsú wi ìminí adru ìminí āzítáná vú ùbǐjò rī sī ku, wó ì'di fē la rá la ì'diní Ìjò la azijó 'i fē la rá rī sī. Ādróná la Ìjò idé āma abe cécé ì'di 'bā ándrá idélé Ìbùrahímũ be rī áni: ì'di 'bā Ìjò sũsú wijó 'dī azijó Ìbùrahímũ ní 'bo rī sī, wi dó ì'diní sũsú 'dī lētáná uyanà kóru rī sī.

¹⁹ Ásísíná ándrá Ādróná 'bā āzítáná fējó Mùsā drī gá rī ā'du? Ásísíná ándrá āzítáná fējó rī ì'di 'bá 'dī kí tām̄bajó ádrizá ì'baní Ìjò ùnzí idéjò siri rī sī. Úfē ì'di u'alé ú'dú were kpere drīlẹ Ìbùrahímũ drī azijó ì'diní rī 'bā amú agá. Ādróná iyó mālāyíkā kí āzítáná 'dī kí ajilé Mùsā rú 'dólé, Mùsā acá dó lédí rú 'bá Ìsìrayílī rú rī kí drīdrīnī gá Ādróná be. ²⁰ 'Bá lédí rú rī la adru cí la 'bá ìrī drī kí lē tì icilé rī gá, wó Ādróná tu ándrá pá ì'di sī á'dùsī sáwā ì'di 'bā Ìjò azijó Ìbùrahímũ ní rī sī.

²¹ Āzítáná Ādróná 'bā ándrá fēlẹ Mùsā drī rī uja kí dó vā Ìjò ándrá ì'di 'bā azilẹ rī kí rá yā? Yù, adru 'dī 'bā áni ku! Āzítáná drī ándrá ídri ukólépi ku rī fē nī la, Ādróná icó ándrá 'bá kí 'bālẹ alá ru la ì'bā kí āzítáná kí vú ùbǐjò rī sī. ²² Ìjò silẹ búkũ Ādróná drī agá rī jò āmaní, Ìjò ùnzí ru 'bá pírí, Ìjò 'dī sī Ìjò azilẹ ídri ukólépi ku rī drī ì'di 'bāngá lú Yẹsũ sī ídrī ā'ítáná mídrí gá rī 'bā Yẹsũ Kúrísitò drī gá rī gá.

Āma anzì Ādróná āni ā'ítáná sī

²³ Āma 'bá Yāhúdī rú 'dī āzítáná Mùsā drī umbé ándrá āma mǎbùsũ gá kpere sáwā āmaní āmā ā'ítáná 'bájó Kúrísitò amúlépi rī agá rī sī.

²⁴ Āzítáná ri āma tām̄balé kpere Kúrísitò 'bā amú agá. Ìjò 'dī dó m̄ ru idélé 'bo, Ādróná icó dó ú'dí'da āma lálẹ 'bá alá ru rá āmaní ásì 'bájó Yẹsũ Kúrísitò drī gá rī sī.

²⁵ Āmaní dó āma ásí 'bājó Yésũ drī gá rī sī, āma adru dó āzítáná Músā drī rī pálé gá ku.

²⁶ Īmi dó pírí anzi Ādróná āni ĩminí ĩmi ā'ītáná 'bājó Kúrísītō Yésũ drī gá rī sī. ²⁷ Īmi pírí 'bá bābūtízī bilépi sī ru icíjō Kúrísītō be ālu 'dī, ĩsũ dó ídri ú'dí Kúrísītō drī rī cécé bōngó ú'dí sũlé rī áni. ²⁸ Ā'ītáná Yésũ agá rī sī, íjō āzī ĩmi awalépi ndú-ndú táni ĩmi 'bá Yāhúdī rú la jōku 'bá Yāhúdī rú ku la, 'bá átí'bó ru jōku 'bá átí'bó ru ku la, ágóbí jōku ũkú la yu, ā'dusíku ĩmi pírí ālu Kúrísītō Yésũ agá. ²⁹ Īmi dó pírí adrujō 'bá Kúrísītō āni la rī sī, ĩmi acá dó pírí İburaħímũ 'bā drīlé āzila ĩmi dó íjō Ādróná 'bā azilé İburaħímũ nī rī kí ĩsũ pírí indī.

4

¹ Má i'da drī ĩminí íjō ícétáná 'dī sī, ngótíná zolépi ku rī rī'di drī cécé átí'bō áni. Drī táni adru āko átépī 'bā a'belé rī'diní rī 'bā 'dípī rú tí, ² 'bā āzī la drī rī'di tām̄ba āko átépī 'bā a'belé rī'diní rī kí abe pírí nī kpere sáwā átépī 'bā 'bálé rī 'bā acá agá. ³ İjō 'dī bāsī ru idélépi āma abe 'bo rī 'i. Yésũ 'bā drī amújō ku rī sī, āma kí ándrá átí'bó ru āzítáná āzila lā'bī ũnókú drī gá rī kí pálé gá cécé āzítáná 'bálé anzi 'bā ũbī kí kí vú rī kí áni.

⁴ Ū'dú 'bálé rī la mu acalé 'bo, Ādróná āpē Ngópī tī, āndrē tī rī'di 'bá ru. Ūbī vā āzítáná Ādróná 'bā āfēlé Músā drī rī kí vú rá, ⁵ sī āma unzejó āzítáná agá rá, āmaní sī acájō Ādróná 'bā anzi rú.

⁶ Āmaní dó adrujō Ādróná 'bā anzi rī sī, Ādróná āpē dó Úrindí Ālá rī tī u'ájō āma ásí gá. Úrindí Ālá 'dī fē dó āmaní Ādróná umvelé, “Bābá, āma Átépi!” ⁷ İjō 'dī sī, āma adru dó átí'bó ru ku, wó rá la anzi Ādróná āni. Āma dó adrujō

anzî Ādróná āni rī sī, āma dó āko ī'di 'bā azilē fēlē āmaní rī kí ìsú rá.

Páwũlõ 'bā ásí 'bá Gālātíyā gá rī kí drī gá

⁸ Īmi ándrá drī Ādróná nǐjó ku rī sī, ĩri ándrá átí'bo ru ādroṅa āzì 'dáyṽ la kí ñnzîlé. ⁹ Wó ú'dí'da ĩnǐ dó Ādrónâ 'bo, jõku Ādróná nǐ dó vâ ĩmi cé ĩmi icó dó ĩmi ujalé vúlé lé átí'bo ru āzì ngalé ādroṅa 'dáyṽ āzila ũkpõ kóru 'dī 'badrī íngoní ru? ¹⁰ Má are ĩmi āzítáná 'bá Yāhúdĩ rú rī 'bā āni ũ'dú, ĩmbá, áyi āzila ílí ī'badrī ī'bā kí pēlé pē-pē rī kí ñnzî. ¹¹ Má u'á ũrī sī ĩmi sī, má iza dó áma ũkpó āzì ngajó ĩminí úyé.

¹² Má ádrípika āzila má ámvõpika Kúrísitõ agá 'dī, má a'í ĩmi ĩminí ĩmi trújó āzítáná pálé gá rá adrujó mâ áni, ā'dusīku má ātrũ vâ ma āzítáná pálé gá rá adrujó ĩmi áni. Īmi iza drī íjõ āzì má rú ku. ¹³ Īnǐ má ũlũ ĩminí íjõ mgbā rī pâlé drīdrī rī sī, sáwā mání amújó ĩmi rú 'dõlé āyání sī rī sī. ¹⁴ Gbíyá mání adrujó āyání rú 'dā sī, ĩmi icó ájé āngũ ndrelé áma drī gá sī rá, wó kějì la gá ĩmi a'í ma mālāyíkā Ādróná drī a'ílé rī áni vâ cécé ĩminí tá Kúrísitõ Yēsũ a'ílé rī áni. ¹⁵ Āyíkõ ándrá ĩmi fúlépi rī dó ú'dí'da rī gá íngõlé yā? Ānǐ ándrá ìlě ma íngõpí yā rī gá rá, drī ájé adru ĩmi ĩmi mifí kí unze fēlé mánî, ĩmi ájé kí fē rá. ¹⁶ Má u'á dó cāndí sī, má acá dó ĩminí mērõ'ba ru íjõ mgbā Yēsũ drī mání ũlũlé ĩminí rī sī yā?

¹⁷ 'Bá ándrá afílépi 'bá Yēsũ ā'ílépi rá rī kí agá ímbátáná ñnzõ rú rī kí imbálépi, lělépi la ĩmi ũbì āzítáná 'bá Yāhúdĩ rú rī 'badrī kí vú rī, lě kí ĩmi drī ujalé sī ĩmi sejó ī'ba rúlé ru, wó íjõ 'dī adru ĩminí múké ku. Lě kí lú ĩmi atrilé má rú 'dõlé cí, ĩmi dó sī kí tì are áyṽ. ¹⁸ Ī'di múké ĩminí ĩmi ásí 'bājõ íjõ mgbā rī vú ũbìjõ áyṽ, ádrī tání adru ĩmi abe 'dā yṽ rī gá. ¹⁹ Mâ anzî, ma āzá ta ĩmi sī kpere ĩminí pá tu

agá ũkpó ru ǎ'ítáná sī Kúrísītō agá. ²⁰ Má ũrā áma ásí gálé álé tá tí adrulé ĩmi abe ma sī ĩminí Íjọ 'dī kí jọ já ú'dùkọ múké sī, ǎ'dusīku Íjọ ĩmidrĭ iza kí áma drĭ rá.

Íjọ Hāgārĭ 'badrĭ Sárā be rĭ

²¹ ĩmi are drĭ ma 'i, ĩmi 'bá lĕlépi u'álépi ǎzítáná Mùsā drĭ pálé gá 'dī: ĩnĭ ǎndá-ǎndá ru Íjọ ǎzítáná Mùsā 'bā sĭlé rĭ 'bā jolé rĭ rá yā? ²² Íjọ sĭlé búkũ ǎdróná drĭ agá rĭ jọ Íburaĥímũ ǎndrá anzĭ trũ ĭrĭ. ǎlu rĭ ĭzóná ǎtí'bó ru rĭ 'bā tĭlé rĭ 'i, ǎzĭ rĭ dó ũkú mgbā lícọ 'dípĭ 'bā tĭlé rĭ 'i. ²³ Ngótĭná ĭzóná ǎtí'bó ru rĭ 'bā tĭlé rĭ útĭ ĭ'di Íjọ 'bá 'bá rĭ sĭ. Wó ngótĭ ũkú mgbā lícọ 'dípĭ rú rĭ 'bā tĭlé rĭ útĭ ĭ'di Íjọ ǎdróná 'bā azilé Íburaĥímũ ní rĭ sĭ. ²⁴ Íjọ 'dī 'bā ífí kí ĩni: ũkú ĭrĭ 'dī tu kí pá tĭ ícĭma ĭrĭ sĭ. Tĭ ícĭma ǎlu rĭ 'i'dó ru 'bé Sĭnáyĭ drĭ gá. Hāgārĭ tu pá tĭ ícĭma 'dī gá ícétáná ru, anzĭ tĭlé 'i'diní rĭ kí pírí ǎtí'bó ru. ²⁵ Hāgārĭ tu pá ícétáná ru 'bé Sĭnáyĭ ǎrábĭyā gá rĭ kĕjĭ gá ǎzĭla vā ícétáná ru táwũnĭ Yĕrúsālĕmũ drĭ 'bá Yāhúdĭ rú rĭ 'bá kí sĭ adrujọ ǎtí'bó ru ǎzítáná pálé gá rĭ 'bā kĕjĭ gá. ²⁶ Wó ũkú mgbā lícọ 'dípĭ Sárā tu pá ícétáná ru táwũnĭ Yĕrúsālĕmũ ú'dí 'bũ gá rĭ kĕjĭ gá. ĭ'di ǎma 'bá pírí Yĕsũ Kúrísītō ǎ'ĭlépi rá 'dī 'bā andre rú. ²⁷ Íjọ sĭlé búkũ ǎdróná drĭ agá rĭ jọ Íjọ drĭ la gá ĩni:

“Mí u'á ǎyĭkō sĭ, mi ũkú úndó
icólépi anzĭ tĭlépi ku 'dī!

Mí uzá ǎzĭla íci ǎcĭcí ǎyĭkō sĭ,
mi ngótĭ tĭná ǎzá ĭtrĭkájọ ku rĭ sĭ.

ǎ'dusīku mi ũkú ǎndrá ǎjĭ nzelé rá rĭ, mi amú anzĭ tĭlé
ũ'bí ru,
ĭ'di ũkú u'álépi ágó tĭ gá ũgũgō rĭ ndĕ rá.” †

† 4:27 Ísáyā 54:1

²⁸ Má ádrípìka āzìla má ámvòpìka ā'ìtáná agá 'dĩ, ìmi cécé Sárā ngòpì Ìsákā áni, ā'dusìku útì ìmi ú'dí ru úrìndí sī Ìjò Àdróná 'bā azilé Ìbùrahímũ nì rī sī. ²⁹ Wó ì'di ándrá adrujó ú'dú 'dā sī vā āndrũ rī áni: 'bá tìlé 'bá 'bá rī fě ùcōgō 'bá tìlé Úrìndí Àdróná drì sī rī nì. ³⁰ Wó Ìjò sīlé búkũ Àdróná drì agá rī jò Ìjò drì la gá íngoní? Jò, “Ídro ìzóná átí'bó ru rī kí ngòpì be rá, ā'dusìku ngótì ìzóná átí'bó ru rī drì icó āko átépì 'bā a'belé ngótì tìlé Ìjò Àdróná 'bā azilé azi-azì ùkú mgbā lícò 'dípì rú rī drì kí ìsùlé ìndì ku.” † ³¹ Má ádrípìka āzìla má ámvòpìka ā'ìtáná agá 'dĩ, āma adru kí anzi ìzóná átí'bó ru 'dā drì kí áni sī u'ájó āzítáná pálé gá ku, wó āma kí anzi ùkú lícò 'dípì rú rī āni u'álépi lètáná Àdróná drì uyatáná kóru rī áni.

5

Drìlémgbò Yésũ 'bā fělé rī

¹ Trũná sī rī gá, Kúrísitō trũ āma 'bo, āma dó sī u'á drìlémgbò agá. Ìjò 'dĩ sī, lě ātu kí pá mgbemgbe ā'ìtáná agá āzìla lě āgō kí mụlé āma umbélélè ìbáká āzítáná drì sī átí'bó ru ku.

² Ìmi are drì ma 'i, ma Páwũlō 'i, álě ìminí jòlé la ìdrì ìmi fě ìtārālè Àdróná ní sī ìmi ā'ìjò, drā Yésũ Kúrísitō drì gá rī 'bā ùròdrì dó ìminí yu. ³ Má amvi ìminí Ìjò 'dĩ ìdì, 'bá ālu-ālu ru fělépi ìtārā 'i rá rī 'bā mba āzítáná Yāhúdì 'bā rī kí tā pírí. ⁴ Ìmi 'bá lělépi la Àdróná 'bā lā ìmi 'bá mgbā rú āzítáná 'bá Yāhúdì 'badrì kí vú ùbìnjá sī rī, ìmi anzé dó ìmi kākā Kúrísitō drì agá rá, wó ìmi a'dé dó lètáná uyaná kóru Àdróná drì rī agá sī āmvé. ⁵ Wó āmaní rī gá, Úrìndí Ālá Àdróná drì rī lū āmaní tondolo Àdróná la āma lā 'bá mgbā rú la āmaní Yésũ ā'ìjò rī sī, 'dĩ Ìjò āmaní sī ásì tìjò

† 4:30 Ì'dóná 21:10

rĩ 'i. ⁶ Āma gápi 'bá Kúrísītō Yésũ ā'īlēpi 'dī, údrī tání āma itārā rá jōku itārā āma ku, 'dī adru āmaní ǐjō ũkpó la ku. ǐjō āmaní ũkpó rĩ ī'di āmaní Yésũ ā'ǐjō, ā'ītáná ru i'dalēpi sī Ādróná lējō 'bá kí abe rĩ 'i.

⁷ Īmi ándrá ací agá ā'ītáná agá múké. Ā'di atrī ĩmi drī ǐjō mgbā rĩ vú bīnā gá nī yā? ⁸ ǐjō ĩmi drī atrīlēpi 'dī angá Ādróná ĩmi umvelēpi sī u'ájó lētáná ī'didrī uyanā kóru rĩ drī ku. ⁹ ǐjō imbálé ĩnzō rú werená rĩ la tǒrómé iza cécé ākúkí ĩmbíráná rĩ 'bā fēlé íwá mūrā gá tré rĩ la ũkā rá rĩ áni. ¹⁰ Ma Páwũlō 'i, má ā'ī ǐjō Ādróná drī rá, á'bā vā ásí ĩmi drī gá rá, ĩmi icó ǐjō 'bá āzī āni la vú ũbīlé ku, wó ĩmi ǐjō mádrī kí vú ũbī áyū. Ādróná la 'bá ĩmi drī ũtrīlēpi rĩ drī gá ǐjō lī rá.

¹¹ Má ádrīpīka āzila má ámvópīka ā'ītáná agá 'dī, ma ũcōgō ịsú mání ǐjō itāráná drī ũlǔjō ku rĩ sī. Ádrī tá ǐjō ũlǔ itāráná drī gá la, ǐjō Yésũ 'bá drájó mūsálá'bā sí gá rĩ tá adru ífí kóru. 'Dī bāsī ǐjō 'bá Yāhúdī rú 'dī 'bá kí ịsúlé ũkpó-ũkpó ī'bā kí ā'īlé ku rĩ 'i. ¹² Má ũrā āma ásí gálé 'bá ĩminí ũcōgō fēlēpi ĩmi itārā ĩmi rá 'dī kí lē áco kí cécé ǐndrogō ránágó ru rĩ kí acojō rĩ áni rá!

¹³ Má ádrīpīka āzila má ámvópīka ā'ītáná agá 'dī, ũmve ĩmi drīlémgbō ịsújō āzítáná 'bá Yāhúdī rú rĩ 'badrī kí agá. ĩmi ayú drīlémgbō 'dī sī ǐjō ũnzí ụrụ'bá drī gá rĩ kí idéjō áyū ku. ĩmi ayú drīlémgbō 'dī ĩminí sī āzī ngájó ĩmi ālu-ālu ní lētáná sī. ¹⁴ Ā'dusīku āzítáná pírī tra kí ru ǐjō 'dī agá, “Ílě mī jíránī cécé míní ĩmi lēlé rĩ áni.” † ¹⁵ Wó ĩmi adru mífí trū! Īdrī ĩmi ucí sí sī cénī-cénī rú cécé ānākpá ásé agá rĩ 'bā kí ru ucílé rĩ áni, ĩmi mụ ĩmi ụ'dílé āyá-āyá.

Ūkpó Úrínđí Ālá rĩ drī āma ídri agá rĩ

† 5:14 LÉVĪ 19:18

¹⁶ Ájọ ìminí, Úríndí Ālá rī drī ìmi drī ce nī, ìmi icó ìjọ ìmi ọ̀rọ̀'bá 'bā lèlé 'dī kí vú ùbílé ku. ¹⁷ Ájọ ìminí ìjọ 'dī ìni la ã'dusíku ìjọ ọ̀rọ̀'bá drī gá rī icí kí ru ìjọ Úríndí Ālá rī drī be ku. Ìjọ ọ̀rọ̀'bá drī rī kí ìjọ Úríndí Ālá rī drī be kí ìrī trá kí drīdrīnī gá m̀eró'bá ru, kí ã'dí 'dī kí drīdrīnī gá mí icó dó sī ìjọ m̀íní p̀élé idélé rī idélé ku. ¹⁸ Úríndí Ālá Ādróná drī rī drī ìmi drī ce nī, ìmi adru dó àzítáná p̀élé gá ku.

¹⁹ Ìjọ ọ̀rọ̀'bá drī gá rī la 'bá kí f̀é ìjọ 'dī kí idélé: mì-ácí àwũ drī, ùrátáná ùnzíkānā rú rī, ìjọ àndí ru drīnzá ru rī abe. ²⁰ Kí àdroṅa ìnzō rú rī kí ìnzī, kí ùjögō àzī nga, kí 'bá kí ngũ ùnzí, kí àwā kí drīdrīnī gá, àko 'bá àzī drī la 'de kí ásí gá ùnzí. Kí ala adrá ùmbā sī gbōrú-gbōrú, kí 'bá àzī rī kí drī ṅmī vūrú sī ru drī ingajó ọ̀rọ̀gá àndānī. Kí ru awa ínátì sī ínátì sī, ²¹ kí àjā rú, kí ànā mvu, kí ùmũ sī ànā mvujó àwũ idéjọ rī kí 'bā, àzila ìjọ ùnzí àzī ndú-ndú 'dī 'bā àni rī kí idé. Álū ìmi m̀ifí jō m̀ā ìmi m̀ifí lūjọ idu rī àni, 'bá ìjọ 'dī 'bā àni rī kí idélépi rī icó kí Súrú Ādróná drī ịsúlé ì'bā àko rú ku.

²² Wó ífí Úríndí 'bā kalé rī kí lè'táná, àyikō, ásí ìgbè, ìjọ taná, ásí ndrīnájá, m̀ükè, à'ítáná, ²³ 'bá ìjọ idélépi jā rī, àzila ru ọ̀rítíjọ ìjọ ùnzí idéjọ gá rī. Àzítáná ìjọ 'dā 'bā àni rī kí drī gá 'dáyú. ²⁴ 'Bá Kúrísitō Yèsũ àni rī ipa kí ì'bā ọ̀rọ̀'bá ìjọ ùnzí drī gá rī kí ìjọ ala gá ọ̀rọ̀'bá 'bā lèlé idélé rī kí abe m̀ūsālá'bā sị gá pírí 'bo. ²⁵ Úríndí 'bā àmaní ídri f̀éjọ rī sī, lè Úríndí 'bā ce vā àma drī nī. ²⁶ Lè àma adru kí àfó sī ku, àma iza kí 'bá àzī 'bā ásí ku, àzila lè àma idé kí 'bá àzī ní àjā sī ku.

6

Ìmi idé m̀ükè 'bá pírí nī

¹ Má ádrípika āzila má ámvópika ā'itáná agá 'dī, 'bá āzī drī a'dé íjō ūnzí agá, ĩmi 'bá úrindí agá ūkpó ru 'dī ĩmi uja 'bá 'dā jājā rú vúlé ā'itáná agá ūgūgō. Wó ĩmi adru mífí trū ĩmi vā mu a'délé íjō ūnzí ālu 'dā agá ku. ² Īko ĩmi āzā íjō ānzī ĩmi ĩšúlépi rī kí agá. Íjō ĩminí ĩmi āzā kojó 'dī la fē ĩmi āzítáná Kúrísītō drī kí vú ūbílé. ³ 'Bá āzī drī ūrā la 'i āmbógó ru índē 'bá āzī kí rá, wó adru ī'di 'bā ūrālé 'dā 'bā áni ku, ī'di ru drī ule. ⁴ 'Bá ālu-ālu 'ba amá ru ádrízā íjō ī'di 'bā idelé rī múké yā rī. Drī dó ru ádrízā ndre múké, ī'di dó sī ru ūnū íjō ī'di 'bā idelé rī sī, adru ī'di 'bā ru ũ'bījō 'bá āzī kí abe rī sī ku. ⁵ Ájō íjō 'dī ĩni la, ā'dusīku lē 'bá ālu-ālu 'bā tu pá íjō ī'didrī kí agá nī.

⁶ 'Bá 'baní imbálé íjō Ādróná drī sī rī lē 'ba ale kí āko ī'badrī kí 'bá kí imbálépi rī abe.

⁷ Lē 'bá āzī 'bā ulé ĩmi ku. 'Bá āzī ícō Ādróná idelé ku. Ájō íjō 'dī ĩni la ā'dusīku ūri 'bá 'bā tralé rī ī'di ūri ándrá ī'di 'bā salé rī. ⁸ 'Bá íjō ūnzí ūru 'bá drī kí vú ūbílépi áyu rī ī'di drúzí drā ukólépi ku rī ĩšú áyu. Wó 'bá íjō Úrindí Ālá rī drī kí vú ūbílépi rī la drúzí ídri ukólépi ku rī ĩšú áyu. ⁹ Lē āma āndē kí íjō múké rī idéná sī ku. Ādrī kí āndē ku, āma kí drúzí ūyá la ĩšú rá sáwā la múké rī drī acá 'bo rī gá. ¹⁰ Íjō 'dī sī, āma idé kí íjō múké 'bá pírí 'baní, ādrī kí drīléba ĩšú rá rī gá. Wó ambamba la 'bá pírí Kúrísītō ā'ílépi rá 'dī 'baní.

Íjō Páwūlō 'bā jolé āšjō rī kí zítáná be

¹¹ Īndre drī āma drīmvú mání wárágā sījō ĩminí núkūtā use sī āma drī sī 'dī 'i. ¹² 'Bá lēlépi ĩmi ūnmīlépi ĩmi ĩtārā ĩmi rá 'dī, lē kí ru i'dalé āzila ĩpílé íjō ūru 'bá drī gá rī kí sī. Kí íjō 'dī kí idé ĩni la ā'dusīku lē kí ūcōgō íjō ūlūná ála patáná ĩšú mūsálá 'bā Kúrísītō drī gá rī sī adru ĩtārānjá sī ku rī ĩšulé ku. ¹³ 'Bá jolépi la ĩmi ĩtārā ĩmi rá 'dī kí ūbī kí vā

āzítáná Músā drí rī kí vú pírí ku. Lě kí 'bāngá ítārā ĩmi rá kí dó sī ru ìpí ĩminí ìjọ ĩ'bā kí lělé uru'ba drí kí vú ūbījọ rī sī. ¹⁴ Jō ma 'i, álě áma ìpílé ìjọ āzí sī ku rá la ìjọ Úpí āma āni Yēsũ Kúrísītō drí rī 'i. Ĩ'di 'bā drānjá mūsālá'bā sí gá rī sī, ìjọ ũnókú drí 'dī kí ũrōdrí mání 'dáyū, āzila áma āzī vā ũnókú ní 'dáyū. ¹⁵ Ìjọ mání āmbógó rī adru 'baní ru ítārājó rá rī 'i jōku ĩ'diní ru ítārājó ku rī 'i ku. Ìjọ mání āmbógó rī ĩ'di 'bá 'dī ìsú ídri ú'dí Úrindí Ālá Ādróná drí gá rī 'bā fělé rī rá yā rī 'i. ¹⁶ Ādróná ásí 'bā ndrī 'bá āzítáná 'dī vú ūbīlépí rī 'baní pírí 'ba u'á kí sī ásí ìgbẹ sī. 'Bá 'dī kí 'bá İşirayılı rú Ādróná 'bā ũpělé nī rī kī.

¹⁷ Mání ìjọ mádrí 'dī dejó, álě dó 'bá āzī 'bā ĩcāndī ma ìdī ku, ā'dusíku ìlúwẹ áma uru'ba gá 'dī i'da kí ma ātí'bó Yēsũ āni.

¹⁸ Má ádrípika āzila má ámvópika ā'ítáná gá 'dī, lětáná uyanâ kóru Úpí āma āni Yēsũ Kúrísītō drí gá rī 'bā adru ĩmi drī gá jā 'dā. Āmīnā.

Ijò Ú'dí rĩ

The Holy Bible in the Aringa language of Uganda

Copyright © 2018 Wycliffe Bible Translators, Inc.

Language: (Aringa)

Contributor: SIL International (in Africa)

All rights reserved.

2020-11-11

PDF generated using Haiola and XeLaTeX on 11 Feb 2021 from source files dated 10 Feb 2021

695104cf-f1e1-5cdd-8e7e-1df2480da505